




發明 珍珠入手足厥陰二經故能安魂定神明目

退翳解痘疔毒及痘瘡入眼治耳暴聾出水研細末

吹之待其乾脫自愈煨灰入長肉藥及湯火傷敷之

最妙然不可著水著水則反爛肉。

若決明一名珍珠母 咸平無毒九孔者佳麪裏煨熟水

飛用反雲母。

發明 石決明味鹹軟堅入肝腎二經爲磨腎消障

之專藥又治風熱入肝煩擾不寐遊魂無定本事方

珍珠母丸與龍齒同用取散肝經之積熱須與養血

藥同用不宜久服令人寒中非其性寒乃消乏過當

耳。

文蛤 鹹平微寒無毒。即蛤蜊之殼厚口。光有紫斑。文者用酸漿水。或醋煮半日許搗粉用。

本經主惡瘡蝕五痔。

發明 文蛤鹹寒走足少陰經。爲潤下之味。故能止

渴利小便。別錄治欬逆胸痺腰痛脇急鼠瘻崩中。即

本經主惡瘡蝕五痔之義。取鹹能軟堅入血分也。仲

景傷寒太寒病用水刮益煩。惡欲飲水反不渴者。及

金匱渴欲飲水不止。並用文蛤散。其治反胃吐後渴

欲飲水而貪飲者。則有文蛤湯。總取鹹寒滌飲之義。

蛤蜊 鹹寒無毒。紫口者良。

發明 大都鹹寒之物。皆能清熱開胃止渴。其殼煨

赤杵粉能清肺熱滋腎燥降痰消火止欬定喘消堅
癖散癭瘤無不宜之炒阿膠鰾膠用之以其味鹹能
發滯性也單方治乳癰每三錢入皂角刺末半錢溫
酒調服治肝癰一味童便煨研甘桔湯日進三服屢
驗然須冬時取桔萸實和穰子同搗仍入殼中懸當
風處陰乾以供一歲之用否則難於取應也

蛭 甘平無毒

發明 蛭生江湖中與蚌蛤相類閩人以田種之謂
之蛭田其肉可爲淡乾腸鼻精之以充海錯婦人產
後虛熱宜之

魁蛤殼俗名蚶子

肉甘平殼鹹平無毒

發明 蚶肉僅供食品雖有溫中健胃之功方藥曾未之及其殼煨灰則有消血塊散痰積治積年胃院瘀血疼痛之功與鼈甲蟲蟲同為消瘧母之味獨用醋九則消胃院痰積觀製蚶餅者以蚶殼灰泡湯搜糯粉則發鬆異常與堅之力可知。

車螯

一名蟹

鹹冷無毒。

發明 車螯是海中大蛤以其吐氣成樓故名曰蟹所謂雀八淮為蛤鳩人海為蟹者是也其肉解酒毒消渴殺治瘡腫癰毒燒赤醋淬為末同甘草等分酒服並以醋敷之曰華法也。

貝子

鹹平小毒燒赤搗細如麴以清酒淘過用白

者入氣分。紫者入血分。花者兼入血氣。

本經主目腎五癰利水道。鬼疰蟲毒腹痛下血。

發明 貝生南海雲南極多。土人用爲錢貨交易。因

其味鹹軟堅。故本經專主目腎。其治五癰等病。取鹹

潤走血之力。千金腳氣丸中用之。專取鹹能破堅之

意。雖數十年之疾。靡不克効。以其透入骨空。搜逐溼

淫之氣。和諸藥蒸蒸作汗。次第而解也。古方點目用

貝子粉入龍腦少許。有瘕肉加珍珠末吹點。亦入老

醫諸方。紫貝治小兒痘疹。目腎。今人用以研紙。謂之

研羸。大者曰珂。亦名馬軻螺。治目消腎去筋膜努肉

與貝子相類。分紫白煨灰用之。

石蚶一名龜脚甘鹹無毒。

發明 石蚶生東南海中石上蚌蛤之屬形如龜脚殼似海螵與吐蛭等同為海錯而此稍遜然其有利小便之功吐蛭不如也。

淡菜 甘溫無毒。

發明 淡菜生鹹水而味不沾鹹為消癭之善藥兼補陰虛勞傷精血衰少及婦人帶下理腰脚氣不宜多食久食令人陽痿不起及脫人髮一切海中苔菜皆然不獨淡菜也。

海蠃屬名甲香鹹平無毒。

發明 海蠃肉甘寒食之能止心痛生螺汁洗眼止

痛經二三十年者。輒應入黃連末點之。尤良。○輝性
閉藏。能歛香氣。經月不散。獨燒則臭。與沉麝諸香及
諸花和蠟煎成者。曰甲煎。可作口脂。千金方用之。唐
李義山詩。所謂沉香甲煎。為庭燎者是也。其殼五色
璀璨。為鈿最精。燒過點眼。能消宿翳。惜乎專目科者
罕知。

羸即螺

甘寒無毒

發明

羸蚌蛤蛭龜鼈之類。皆外剛內柔。稟離火之

象。雖居泥水而性寒。治火熱之毒。最捷。用珍珠黃連

嵌入良久。取汁注目中。止熱壅目痛。生搗絞汁。和無

灰酒飲。治黃瘰。小便不利。田中大螺。去掩入水片少

許埋土中一伏時化水療痔瘡。又搗爛和麝香貼臍上。引溼熱下行治噤口痢。土墻上爛殼燒灰敷瘡。及臙瘡溼毒生田中者得土氣多而形大。生水中者得水氣多而形小。其治水腫黃痺目赤腫痛痔腫脫肛消渴解酒之功。則一產徽州溪礪中者其肉青碧可愛。土人取肉焙乾以充方物。但性冷利人過食令人腹痛泄瀉急磨木香酒解之。

寄居蟲 甘溫無毒。

發明 藏器曰寄居貴在螺殼間。非螺也。候螺蛤開卽自出入。螺蛤欲合已還殼中。海族多被其寄。南海一種似蜘蛛入螺中負殼而行觸之卽縮入螺。火炙

乃出婦人難產以七枚擣酒服之或臨產兩手各握一枚與相思子無異弘景云食之益顏色美心志惜乎一時不易得也

郎君子

郎相
思子

發明

相思子狀如螺中之子大如小豆藏篋箚積

歲猶活置醋中即盤旋不已婦人難產手把之便生

屢驗

禽部

鶴頂

辛溫大毒

發明

鶴食蛇虺而頂血大毒力能殺人人之欲求

自盡者服之即斃而嘉祐又以鶴血益氣力補虛乏

去風益肺恐未必然。肺中砂石子磨水服能解蠱毒。

鵠骨 甘寒小毒。

發明 鵠骨治尸疰喉痺蛇虺傷。專用其毒以攻伏

匿之毒也。嘴及脚骨尤良。卵能預解痘毒。水煮一枚

與兒啖之。令不出痘。或出亦稀。與鵠卵同功。

鵠鵠即鵠

鹹寒無毒。

發明 鵠鵠好啖魚蛇及鳥雛。故治痞積有鵠鵠

用之為君。治食魚鼈成瘕者尤効。其骨酥炙和南蓬

砂吹喉。治骨哽忍之須臾。輕輕咯之。骨與痰涎俱出。

鵠鵠即鵠

鹹溫滑無毒。

發明 鵠鵠油性走能引諸藥透入病所。拔毒故治



南京中医药大学图书馆

聾痺腫毒諸病其舌治疔瘡。取入心拔毒外出也。

鷺 白者甘平無毒。蒼者有毒。嫩者尤劣。

發明 鷺氣味俱厚。發風發瘡莫此爲甚。別錄謂其

性涼利五藏。是指蒼者而言。韓氏謂其疏風。是言白

者之性耳。惜人治癰風方中。取純白鷺通之毛。及

嘴足之皮。與肫肝內反同。固濟煨灰。存性和風藥用

之。爲風藥之嚮導也。然不可遺失一處。其處卽不能

愈。又不可用雜色者。若有一處色蒼。風愈之後。其處

肌膚色黑。此與蛇發風毒。白花蛇善解風毒之義。不

殊。白鷺脂祛風潤燥。解礬石毒。血能涌吐胃中痰結。

開血膈。吐逆食。不得入。乘熱恣飲。卽能嘔出病根。以

本經通原卷四
血引血同氣相求之驗也。中射工毒者飲之並塗其
身即解。以其能食此蟲也。尾膠內耳中治聾及聾耳
取以達三焦之氣也。涎治誤吞稻芒亦物性之相制
耳。白鷺屎絞汁治小兒驚口瘡。蒼鷺屎傳蟲蛇咬毒
雁 甘溫無毒

本經主風攣拘急偏枯血氣不通利。

發明 雁爲信鳥豈宜食之故道家謂之天厭性養
通利血氣風攣拘急偏枯取肉炙熟帖之昔黃帝制
指南於雁脰骨空中製鍼取其能定南北也但覓之
不易今人於鯉魚腦中製之以其性專伏土定而不
移可定水土之方向也。



鷺鵒家

甘溫無毒。嫩者有毒。老者無毒。

發明

鷺之逼火而生。暖水而長。未出卯時。先得火

氣。故不憚冰雪。偏喜淫雨。而尾驛羶濁最甚。故羣雌一彼其氣。皆得生化之機。不待鷺尾之逼也。溫中補虛。扶陽利水。是其本性。男子陽氣不振者。食之最宜。患水腫人。用之最妥。黑嘴白毛者。治腸胃久虛。葛可人白鳳膏。用之。取金水相生之義。綠頭老鴨。治陽水暴腫。外臺鴨頭丸。用之。取通調水道之義。白鴨生血。能補血解毒。勞傷吐血。衝熱酒調服。屢效。中射工溪毒。及野葛砒雪毒。灌之。卽解。慢吞金銀入腹。乘熱頓飲數升。其金卽下。諸鴨涎。治穀麥芒入喉。及小兒瘰

風反張滴之卽消。卵能閉氣以混沌未分。塞人聰慧。諸病忌食而滯下尤禁。白鴨通殺石藥毒。凡服藥過劑。昏迷眩暈者。取白鴨通一合。湯漬澄清服之。卽解。勿以其穢而棄諸。

鳧

卽野鴨

甘平無毒。

發明 鳧逐羣飛。夏藏冬見。與鴻雁不異。其在九月以後。立春以前。味極甘美。病人食之。全勝家鴨。以其肥而不脂。美而易化。故滯下泄瀉喘欬上氣虛勞失血及產後病後。無不宜之。雖有安中利水之功。而方藥曾未之及。孟詵除十一種蟲等治。未能深信。摘玄方。解挑生蠱毒。取生鳧血熱飲。探吐於此。可悟生鵞。

血可吐胸腹諸蟲血積總以血引血同氣相應之力耳。

雞 甘平小毒諸雞有五色者黑雞白首者六指者死足不伸者並不可食。

發明 鷄屬巽而動風外應乎木內通乎肝得陽氣之最早故先寅而鳴鳴必鼓翅火動生風之象風火易動而易散人之陽事不力者不宜食鷄是以昔人有利婦人不利男子之說而東南之人肝氣亦動動則生火生痰病邪得之爲有助也北方陽氣潛伏最宜發越病邪得之便能作汗以其能助肝氣也姑以物性之常變言之諸雞中惟烏骨白絲毛者最良巽

家變坎得水木之精氣肝腎血分病宜之烏骨雞丸
治經癸胎產虛熱諸病以其峻補肝血也。今人治賊
風痛痺專取五爪烏骨雄雞置病人痛處任其鳴啄
少頃其病自止雞之五爪者有毒此專取其毒以引
其毒外泄也丹雄雞治女人崩中漏下赤白沃通神
明殺惡毒辟不祥中惡魔魅以血灌鼻卽穌中風口
眼喎斜乘熱塗患處卽正雞冠血和酒釀調陵鯉甲
末治痘瘡肝熱毒盛而變青乾紫黑陷伏黃雌雞治
產後虛羸煮汁煎藥最宜黑雌雞治妊娠胎息不安
泰和老雞內托小兒痘瘡近世治產後虛羸寒熱亦
取用之以其能助肝經生氣也雄雞肝取不落水者